

և քարոզ տալով, և ելեալ գնաց յՈւսկիւտարն: Եւ եղին քաղաքիս առաջնորդ զՈհան վարդապետն մեծ:

Եւ օրս Անտոն Չէլէպուն հայրն մեռաւ և գնացաք կաթողիկոսին և վարդապետն ի վերայ նորա և բազում քահանայք եկեալ յեկեղեցեացն, և զգեստաւորեցան դպիրք զչապիկս և սարկաւազունք և սաղաւարտիւ և ուրարաւ և բուրվառով և աւետարանաւ (ԳԻՆՆ ԿՐԻՍՏՈՍ) կաթողիկոսն . . . խաչիւ և գաւազանաւ, լուցեալ մոմեղինօք և յայսպիսի զ[ար]դուք և ուխտիւ մինչև ի դիրս գերեզման[աց] Ղալաթոյ, այնպէս գնացաք: Այսօր տեսաք զփառ[ս] վայելչութեան եկեղեցոյ, զոր լինէր ի ժամանակս թագաւորաց: Եւ յետ թաղմանն ելեալ եկաք ի տուն չէլէպուն, հաց[կեր]ութ արարեալ հոգոյն և անտի ելեալ գնացաք . . . :

Եւ ի Սեպտեմբերի օրս Թուրունճի Ովանէս վարդապետն եկեալ հնազանդելով կաթողիկոսին: Քանզի նա եկն անցեալ տարիս, որ էր թիւն [Թ]ՂԹ, և բազում անհամութիւն և անկարգութիւն արարեալ և բազում դրամս ժողովեալ ի քաղաքէս և պարծէր կաթողիկոսին թէ Աշակերտ եմ նորա. և քանի ի քաղաքս էր նայ և գնալոց էր, եհաս ի վերայ Եղիազար վարդապետն, և նա զայն լըւեալ փախեաւ ի քաղաքէս, զի մի չար արասցէ իւրն. և այն փախիլն էր, մինչև որ կաթողիկոսն եկաւ և ասաց թէ նա սարկաւազ այլ չէ, և բանադրեաց: Եւ ի ժամուս յայտմ եկն և բազում դրամս տվեալ կաթողիկոսին ճէրիմէ, և յետ աւուրց ուղարկեաց զնա նուիրակ ի գիւղքն:

Եւ յետ 2 աւուր պահոց սուրբ Գէորգայ Նշի աւրն (23 Սեպտ.) գնացաք ամենայն բարեկամաւ և սիրելեաւ